

**FEDERALNO MINISTARSTVO
POLJOPRIVREDE, VODOPRIVREDE I
ŠUMARSTVA**

1493

Na osnovu čl. 18. stav 6. i 21. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

**PRAVILNIK
O SADRŽAJU, OBLIKU I NAČINU VOĐENJA REGISTRA
ODOBRENH I REGISTROVANIH OBJEKATA I NAČINU
DODJELE VETERINARSKIH KONTROLNIH I
EVIDENCIJSKIH BROJEVA U FEDERACIJI BOSNE I
HERCEGOVINE**

Član 1.

Ovim Pravilnikom se propisuje sadržaj, oblik i način vođenja registara odobrenih i registrovanih objekata u Federaciji Bosne i Hercegovine (u daljem tekstu: Federacija) i utvrđuje način dodjele veterinarskih kontrolnih i evidencijskih brojeva za uzgajališta životinja.

Član 2.

Za primjenu ovog Pravilnika pored definicija u važećim propisima iz oblasti veterinarstva koristeće se i slijedeći pojmovi:

- **Veterinarski kontrolni broj objekta** - oznaka koja se dobije prilikom odobravanja objekta od strane nadležnog ministarstva u skladu sa važećim propisima iz oblasti veterinarstva;
- **Evidencijski broj za uzgajališta životinja** - broj koji se dodjeljuje uzgajalištima životinja koja se registruju, a za koje se u skladu sa važećim propisima iz oblasti veterinarstva ne dodjeljuje veterinarski kontrolni broj.

Član 3.

Objekti za koje se dodjeljuje *veterinarski kontrolni broj* su:

1. objekti za klanje životinja;
2. objekti za rasijecanje i obradu mesa, mesa divljači, ribe, rakova, školjki, puževa i žaba koji su namijenjeni javnoj potrošnji;
3. objekti za preradu mesa, mesa divljači, ribe, mlijeka, jaja, meda i ostalih proizvoda životinjskog porijekla namijenjenih ishrani ljudi putem javne potrošnje;
4. objekti za hlađenje, zamrzavanje i/ili uskladištenje navedenih proizvoda;
5. valionice;
6. objekti za proizvodnju hrane za životinje, mješavice i objekti za uskladištenje hrane za životinje;
7. objekti za dobijanje, razrjeđivanje i pripremu sjemena za umjetno osjemenjivanje i oplodnih jajnih ćelija;
8. objekti za sakupljanje, konzervisanje, skladištenje ili preradu sirove kože i krzna;
9. zoološki vrtovi;
10. farme goveda i kopitara veće od 20 uslovnih grla;
11. farme peradi i kunića veće od 10 uslovnih grla;
12. farme za uzgoj divljači i krznaša;
13. ribnjaci i drugi objekti akvakulture;
14. uzgajališta puževa i drugi objekti.

Objekti za koje se dodjeljuje *evidencijski broj za uzgajališta životinja* su farme kopitara i papkara manje od 20 uslovnih grla, farme peradi i kunića manje od 10 uslovnih grla i ostali objekti namijenjeni proizvodnji, rasplodu i uzgoju životinja, a nisu navedeni u stavu 1. ovog člana.

Član 4.

Registar odobrenih i registrovanih objekata za područje kantona (u daljem tekstu: Registar) vode kantonalna ministarstva i objavljuju u službenom glasilu kantona.

Jedinstveni registar odobrenih i registrovanih objekata u Federaciji (u daljem tekstu: Jedinstveni registar) sa odobrenim veterinarskim kontrolnim i evidencijskim brojem vodi Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo).

U Jedinstveni registar iz stava 1. ovog člana Federalno ministarstvo upisuje i izvozne objekte.

Izgled i sadržaj registara iz st. 1. i 2. ovog člana propisan je Obrascima br. 2. i 3. koji se nalaze u prilogu ovog Pravilnika i čine njegov sastavni dio.

Listu svih objekata upisanih u Jedinstveni registar Federalno ministarstvo objavljuje na svojoj web-stranici i u "Službenim novinama Federacije BiH".

Član 5.

Rješenje o odobravanju ili registraciji objekata iz člana 3. ovog Pravilnika donosi kantonalno ministarstvo, a za izvozne objekte Federalno ministarstvo.

Nakon što Federalno ministarstvo u postupku rješavanja zahtjeva za odobravanje ili registraciju izvoznog objekta iz člana 3. ovog Pravilnika utvrdi da nema smetnji za izdavanje rješenja iz stava 1. ovog člana, donosi rješenje o dodijeljenom veterinarskom kontrolnom broju na osnovu kojeg vrši upis u Jedinstveni registar.

Član 6.

Nakon što kantonalno ministarstvo u postupku rješavanja zahtjeva za odobravanje ili registraciju objekta iz člana 3. ovog Pravilnika utvrdi da nema smetnji za izdavanje rješenja iz člana 5. ovog Pravilnika, isto upućuje pisani zahtjev za dodjelu veterinarskog kontrolnog broja na Obrascu broj 4. ili evidencijskog broja za uzgajalište životinja na Obrascu broj 5. Federalnom ministarstvu koji obrasci se nalaze u prilogu ovog Pravilnika i čine njegov sastavni dio.

Svaki objekat može imati samo jedan odobreni veterinarski kontrolni i evidencijski broj koji jednom dodijeljen ne može se mijenjati, niti može biti ponovo dodijeljen nekom objektu u slučaju prestanka obavljanja djelatnosti tog objekta.

Federalno ministarstvo nakon zaprimljenog zahtjeva dodjeljuje veterinarski kontrolni ili evidencijski broj za traženu djelatnost u roku do sedam dana od dana prijema zahtjeva i o tome pismeno obavještava kantonalno ministarstvo koje je zahtjev podnijelo.

Zahtjev iz stava 1. i obavijest iz stava 3. ovog člana se mogu uputiti i putem faxa.

Nakon što kantonalno ministarstvo dobije obavijest iz stava 3. ovog člana, donosi rješenje kojim se određuje odobreni broj i odobrava obavljanje pojedinačnih djelatnosti proizvodnje i trgovine, kao i ograničenja kapaciteta i obima trgovanja i upis u Registar iz člana 4. stav 1.

Primjerak rješenja iz stava 5. ovog člana dostavlja se Federalnom ministarstvu u roku od 10 dana od dana njegovog donošenja na osnovu kojeg će Federalno ministarstvo izvršiti upis objekta u Jedinstveni registar.

Član 7.

Veterinarski kontrolni broj, čiji je izgled i sadržaj u skladu sa propisanim uslovima u Bosni i Hercegovini, se dodjeljuje i određuje prema vrsti djelatnosti za koju objekat ispunjava propisane uslove.

Evidencijski brojevi za uzgajališta životinja počinju od rednog broja jedan i nastavljaju se bez prekida, ne mijenjajući se po kalendarskim godinama.

O dodijeljenim brojevima iz člana 2. ovog Pravilnika, Federalno ministarstvo vodi registar na Obrascu broj 1. koji se nalazi u prilogu ovog Pravilnika i čini njegov sastavni dio.

Član 8.

U slučaju prestanka rada objekta, kantonalno ministarstvo podnosi zahtjev Federalnom ministarstvu za brisanje objekta iz

Jedinstvenog registra na Obrascu broj 6. koji se nalazi u prilogu ovog Pravilnika i čini njegov sastavni dio. Uz zahtjev kantonalno ministarstvo dostavlja rješenje o brisanju objekta iz Registra.

U slučaju prestanka rada izvoznog objekta Federalno ministarstvo donosi rješenje o brisanju objekta iz Jedinstvenog registra.

Član 9.

Postojeći odobreni brojevi iz člana 2. ovog Pravilnika će se uskladiti sa odredbama ovog Pravilnika najkasnije u roku od 12

mjeseci od dana stupanja na snagu ovog Pravilnika, nakon čega će biti upisani u Jedinstveni registar.

Član 10.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 06-02-1117-2/12
13. augusta 2012. godine
Sarajevo

Ministar
Jerko Ivanković - Lijanović, s. r.

Registar odobrenih brojeva u Federaciji Bosne i Hercegovine

Obrazac broj 1.

Redni broj/ godinu	Datum prijema zahtjeva za dodjelu odobrenog broja	ODOBRENI BROJ		Datum dodjele odobrenog broja	Kanton	Općina	Naziv objekta/ vlasnik uz gajališta	Djelatnost*	Broj iz Jedinstvenog registra*
		VKB	EVID.BROJ						

Napomena: Evidencija se vodi elektronski, stranice se numerišu, a djelatnost unosi šifrirano u skladu sa Legendom* koja se nalazi u prilogu ovog Pravilnika i čini njegov sastavni dio

Broj iz Jedinstvenog registra*- popunjava se nakon upisa objekta u Jedinstveni registar

Obrazac 2.

Registar odobrenih i registrovanih objekata _____
(Naziv kantona)

Redni broj/godina	Podaci o objektu						Podaci o odobravanju i registraciji djelatnosti					Podaci o djelatnosti				
	Odobreni broj	Naziv	Općina	Adresa	Telefon/fax	E mail	Odgovorno lice	Broj rješenja	Datum rješenja	Valjanost rješenja	Područje trgovanja	Djelatnost ¹	Vrsta sirovine	Asortiman	Kapacitet	Napomena

¹ Djelatnost se upisuje kao oznaka prema Legendi koja se nalazi u prilogu ovog Pravilnika (Evropska Komisija : DG Sanco oznake)

Obrazac 3.

Jedinstveni Registar odobrenih i registrovanih objekata u Federaciji Bosne i Hercegovine

Redni broj / godina	PODACI O OBJEKTU							PODACI O ODOBRAVANJU I REGISTRACIJI DJELATNOSTI					PODACI O DJELATNOSTI						
	Odobreni broj	Naziv	Kanton	Općina	Adresa	Telefon/fax	E mail	Odgovorno lice	Broj rješenja	Datum rješenja	Valjanost rješenja	Područje trgovanja	Broj iz Registra	OZNAKA ¹		Vrsta sirovine	Kapacitet	Asortiman	Napomena
														SANCO grupe	DJELATNOST				

¹ Djelatnost se upisuje kao oznaka prema Legendi koja se nalazi u prilogu ovog Pravilnika (Evropska Komisija : DGSanco oznake)

Obrazac broj 4.

Bosna i Hercegovina
Federacija Bosne i Hercegovine

Naziv kantona

Kantonalno ministarstvo

Broj: _____

Datum: _____

Bosna i Hercegovina
Federacija Bosne i Hercegovine
Federalno ministarstvo poljoprivrede,
vodoprivrede i šumarstva
SARAJEVO
Fax: 033 217 242

Predmet: Zahtjev za dodjelu veterinarskog kontrolnog broja

U skladu sa članom 5. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj _____) molimo da dodjelite veterinarski kontrolni broj za objekat vlasništvo _____ korisnika _____ iz _____, adresa _____ kontak telefon _____, e-mail _____.

U postupku utvrđivanja udovoljavanja propisanim uslovima utvrđeno je da objekat udovoljava uslovima za:

Djelatnost : _____

Vrsta/asortiman: _____

Kapacitet proizvodnje: _____

Vlastiti maloprodajni objekti : da /ne - zaokružiti

ili

Djelatnost _____

(uzgoj po vrstama životinja: goveda, ovce, koze, svinje, konji, pčele i drugo navesti).

Vrsta uzgoja : _____

(vrsta životinje za: tov, proizvodnja mlijeka, jaja, meda, raslodnih jaja i drugo).

Kapacitet proizvodnje/trenutno brojno stanje životinja: _____

MINISTAR

Dostaviti:
1. naslovu
2. u spis
3. a/a

Obrazac broj 5.

Bosna i Hercegovina
Federacija Bosne i Hercegovine

Naziv kantona

Kantonalno ministarstvo

Broj: _____

Datum: _____

**Bosna i Hercegovina
Federacija Bosne i Hercegovine
Federalno ministarstvo poljoprivrede,
vodoprivrede i šumarstva
SARAJEVO
Fax: 033 217 242**

Predmet: Zahtjev za dodjelu evidencijskog broja za uzgajalište životinja

U skladu sa članom 5. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj _____) molimo da dodijelite evidencijski broj za uzgajalište životinja vlasništvo _____ korisnika iz _____, adresa _____ kontakt telefon _____, e-mail _____.

U postupku utvrđivanja udovoljavanja propisanim uslovima utvrđeno je da uzgajalište udovoljava uslovima za:

Djelatnost _____

(uzgoj po vrstama životinja: goveda, ovce, koze, svinje, konji, pčele i drugo navesti).

Vrsta uzgoja : _____

(vrsta životinje za: tov, proizvodnja mlijeka jaja, meda, raslodnih jaja i drugo):

Kapacitet proizvodnje/trenutno brojno stanje životinja: _____

MINISTAR

Dostaviti:
1. naslovu
2. u spis
3. a/a

Obrazac broj 6.

Bosna i Hercegovina
Federacija Bosne i Hercegovine

Naziv kantona

Kantonalno ministarstvo

Broj: _____

Datum: _____

Bosna i Hercegovina
Federacija Bosne i Hercegovine
Federalno ministarstvo poljoprivrede,
vodoprivrede i šumarstva
SARAJEVO
Fax: 033 217 242

Predmet: Zahtjev za brisanje objekta iz Jedinstvenog registra odobrenih i registrovanih objekata u Federaciji Bosne i Hercegovine

U skladu sa članom 8. Pravilnika o sadržaju, obliku i načinu vođenja registra odobrenih i registrovanih objekata i načinu dodjele veterinarskih kontrolnih i evidencijskih brojeva u Federaciji Bosne i Hercegovine („Službene novine Federacije BiH“, broj _____) molimo se da se izvrši brisanje objekta iz Jedinstvenog registra sa sljedećim podacima:

Objekat	
Adresa objekta	
Odobreni broj	
Odobrena djelatnost	
Razlog podnošenja zahtijeva za brisanje iz Jedinstvenog registra	(opisati)

U prilogu vam dostavljamo Rješenje ovog organa o brisanju iz Registra odobrenih i registrovanih objekata za područje ovog kantona.

MINISTAR

Dostaviti:
1. naslovu
2. u spis
3. a/a

LEGENDA

Skaćenice su slovne i brojčane oznake (rimski brojevi) djelatnosti u odobrenim ili registrovanim objektima za unos podataka u Registar/Jedinstveni registar u skladu sa oznakama koje se primjenjuju u Evropskoj uniji .

GRUPE PO VRSTAMA PROIZVODNJE

0 - Opće aktivnosti

I - Meso domaćih papkara i kopitara

II - Meso peradi i lagomorfa

III - Meso divljači iz uzgoja

IV - Meso divljači

V - Mljeveno meso, mesne prerađevine , mašinski otkoštено meso

VI - Mesni proizvodi

VII - Živi školjkaši

VIII - Proizvodi ribarstva

IX – Sirovo mlijeko i mliječni proizvodi

X – Jaja i proizvodi od jaja

XI – Žablji kraci i puževi

XII – Topljene životinjske masti i čvarci

XIII – Prerađeni želuci, mjehuri i crijeva

XVI – Punjenje i pakovanje pčelinjih proizvoda

DJELATNOST	DJELATNOST
A - perad, uključujući i malu pernatu divljač iz uzgoja	DC - otpremni centar
B - goveda	FFPP - pogon za svježe riblje proizvode
C - koze	PC - centri za pročišćavanje
O - ovce	EPC - pakirni centar
L - lagomorfi	mp - mesni proizvodi
P - svinje	st - prerađeni želuci, mjehuri i crijeva
S - kopitari	sn - puževi
R - velike ptice	ZV - brodovi hladnjače
WA - divlje ptice	AH - aukcijska tržnica
wL - divlji zečevi	EU - objekt koji ima odobrenje izvoza u zemlje članice EU
wU - divlji papkari	3rd - objekt koji ima odobrenje izvoza u treće zemlje
wG - ostali divlji sisavci	SF = uzgajalište puževa (snail farm)
CS - hladnjača (pogon za hlađenje)	GHC uzgajalište ribe za poribljavanje
RW - objekti za prepakiranje	BS uzgajalište riba za ishranu ljudi - Grow out for human consumption- Brood stock
WM - veleprodajni objekti	H -mrjestilište – Hatchery
SH - klaonice	IPTF - lovište za rekreativni ribolov - Put and take fisheries
CP - pogon (objekt za rasijecanje)	FC - kavezni uzgoj ribe- Freshwater cages/enclosures/pens
MM - mljeveno meso	FT – uzgoj ribe u bazenima - Freshwater tanks/raceways
MP – mesne prerađevine	FP - uzgoj ribe u akumulaciji - Freshwater ponds
MSM – mašinski otkoštено meso	RF -istraživački centar - Research facility
PP - pogoni za preradu/proizvodnju	R -zatvoreni sistem uzgoja ribe (recirkulacija) - Freshwater closed
GHE - pogon za obradu divljači	VAL - valionice
CC - sabirni centar	FARM -uzgajalište
LEP - pogon za tekuća jaja	FEED - hrana za životinje

AKTIVNOSTI u vezi sa nusproizvodima životinjskog porijekla

BIOGP – objekti za bioplin	STORP – objekti za skladištenje
COLC – sabirni centri	TAN – kožare (štavionice)
CoIP – objekti za kombinovano spaljivanje	TECHP – tehnički objekti
COMP - objekti za kompostiranje	UCOSM – upotreba za kozmetičke proizvode
GATRP – objekti za lovačke trofeje	UDER – upotreba za dijagnostiku, obrazovanje, istraživanje
INCP – objekti za spaljivanje	UDOG – upotreba za ishranu pasa iz uzgajališta ili uzgoja lovačkih pasa
INTP – sabirališta	UFERT – upotreba za organska gnojiva
OLCP – uljno kemijski objekti	UFUR – upotreba za ishranu krznaša
OTHER – druge aktivnosti (navesti)	UINSE – upotreba za insekte uključujući mamce za ribe
PETPP – objekti za proizvodnju hrane za kućne ljubimce- uz upotrebu samo prerađenih nusproizvoda	UNEC – upotreba za ishranu ptica strvinarki
PETPR – objekti za proizvodnju hrane za kućne ljubimce- uz upotrebu sirovih nusproizvoda	URBP – upotreba za ishranu gmizacava i ptica grabljivica
PHAR – farmaceutske aktivnosti, uključujući medicinski pribor	UWILD – upotreba za ishranu divljih životinja
PROCP – objekti za preradu	UZOO – upotreba za ishranu životinja u zoološkim vrtovima i cirkusima

VRSTE PROIZVODA- u vezi sa nusproduktima životinjskog porijekla	
API – nusprodukti pčelarstva	GATR – lovački trofeji
BHHP – kosti, rogovi, papci i njihovi proizvodi	HISKR – sirova koža
BIOG – bioplin	HISKT – štavljena koža
BIOD – biodiesel	HYDP – hidrolizirane bjelančevine
BIOR – rezidue prilikom proizvodnje bioplina osim BIOG	INSE – insekti uključujući mamce za ribe
BLPF – proizvodi od krvi za ishranu	MANU – neprerađeni štalski gnoj
BLPT – proizvodi od krvi za tehničke svrhe	MANP – prerađeni štalski gnoj i proizvodi od prerađenog štalskog gnoja
COL – kolagen	MBM – mesno-koštano brašno (kategorije 1 ili 2)
COMR – rezidue nakon kompostiranja	MEDD – medicinski pribor
COSM – kozmetički proizvodi	MIMC – mlijeko, mliječni proizvodi, proizvodi na bazi mlijeka i kolostrum
CATW – ugostiteljski otpad	OTHER – drugo (navesti)
DCAP – dikalcij fosfat	PAP – prerađene životinjske bjelančevine
DTC – sadržaj probavnog trakta	PETC – hrana za kućne ljubimce u konzervi
DIGR – ostaci digestije osim BIOR	PETFI – poboljšivači ukusa za hranu za kućne ljubimce
EGG – proizvodi od jaja	PETD – žvakalice za pse
FERT – organska gnojiva osim DIGR ili BIOR	PETP – prerađena hrana za kućne ljubimce osim PETC
FATOT – prerađene masti i riblje ulje za druge namjene osim FATF i FATOL	PETR – sirova hrana za kućne ljubimce
FATOL – prerađene masti od nusproduktima za uljno-kemijske svrhe	PHARM – farmaceutski proizvodi
FATD – derivati masti	RAW – drugi neprerađeni nusprodukti
FATF – prerađene masti i riblje ulje za hranidbu	SERE – serum kopitara
FEED – proizvodnja hrane/proizvodnja za hranu /Feed production (navesti)	TCAP – trikalcij fosfat
FORMF – bivša hrana životinjskog porijekla	WHBF – vuna, dlaka, čekinje, perje
GEL – želatina	WWT – materijal prikupljen prilikom obrade otpadnih voda